



**ՀԱՎԱՏԱՐՄԱԳՐՄԱՆ ՀԱՆՁՆԱԺՈՂՈՎ
Ո Ր Ո Շ ՈՒ Մ**

2 հունիսի 2021 թ. N 50

**ԼՈՌՈՒ ՏԱՐԱԾԱՇՐՐՋԱՆԱՅԻՆ ՊԵՏԱԿԱՆ ՔՈԼԵԶԻ ԻՆՍՏԻՏՈՒՑԻՈՆԱԼ ԿԱՐՈՂՈՒԹՅՈՒՆՆԵՐԻ
ՀԱՎԱՏԱՐՄԱԳՐՄԱՆ ՄԱՍԻՆ**

Ընդհանուր տեղեկություն հաստատության մասին

Հաստատության լրիվ անվանումը՝ «Լոռու տարածաշրջանային պետական քոլեջ» ՊՈԱԿ
Գործունեության հասցեն՝ ՀՀ, Լոռու մարզ, ք. Վանաձոր, Հերացու 11
Նախորդ հավատարմագրման մասին

որոշումը և ժամկետը՝ **չի ունեցել**

«Մասնագիտական կրթության որակի ապահովման ազգային կենտրոն» հիմնադրամի Հավատարմագրման հանձնաժողովը (այսուհետ՝ Հանձնաժողով), ղեկավարվելով ՀՀ կառավարության 2011 թվականի հունիսի 30-ի N 978-Ն որոշմամբ հաստատված «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «ՀՀ մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի (այսուհետ՝ ՈԱԱԿ) հավատարմագրման հանձնաժողովի ձևավորման և գործունեության ընթացակարգով և «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգով, 2021թ. հունիսի 2-ին Հանձնաժողովի նիստում քննարկեց Լոռու տարածաշրջանային պետական քոլեջի (այսուհետ՝ ՄՈւՀ, ԼՏՊՔ, քոլեջ) ինստիտուցիոնալ կարողությունների հավատարմագրման հարցը:

Հավատարմագրման գործընթացի հիմնական փուլերն իրականացվել են հետևյալ ժամկետներում.

դիմում-հայտի ներկայացում	17 հուլիսի 2020
ինքնավերլուծության ներկայացում	28 հոկտեմբերի 2020
փորձագիտական այցի իրականացում	30 նոյեմբերից 3 դեկտեմբեր 2020
փորձագիտական զեկույցի ներկայացում	1 փետրվարի 2021
թերությունների վերացման ծրագրի ներկայացում	12 փետրվարի 2021

Քոլեջի ինստիտուցիոնալ կարողությունների փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգ»-ի պահանջներին համապատասխան ձևավորված անկախ փորձագետների խումբը: Գնահատումը կատարվել է ՀՀ կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով:

ինստիտուցիոնալ հավատարմագրման 10 չափանիշներից 5-ը՝ «Կառավարում և վարչարարություն», «Մասնագիտության կրթական ծրագրեր», «Հետազոտություն և զարգացում», «Արտաքին կապեր և միջազգայնացում» և «Որակի ներքին ապահովման համակարգ», գնահատվել են անբավարար:

Հանձնաժողովը, ուսումնասիրելով քոլեջի կողմից ներկայացված ինստիտուցիոնալ կարողությունների ինքնավերլուծությունը, զեկույցի նախնական տարբերակի վերաբերյալ քոլեջի դիտողությունները և առաջարկությունները, փորձագիտական զեկույցը, զեկույցում նշված թերությունների վերացման գործողությունների ծրագիրը, լսելով քոլեջի փորձագիտական գնահատման վերաբերյալ Հանձնաժողովի նախագահի կողմից ընտրված երեք անդամների եզրակացությունները, որոնք ձևավորվել են փորձագիտական խմբի անդամների և ուսումնական հաստատության ներկայացուցիչների հետ հանդիպումների արդյունքում, ինչպես նաև Հանձնաժողովի անդամների դիտարկումներն ու առաջարկությունները, ամրագրեց հետևյալը.

1. Առկա են խնդիրներ և ռիսկեր որակավորումների արժանահավասար շնորհման տեսանկյունից, սակայն առաջխաղացման միջոցներ և օրինակներ ևս առկա են

Քոլեջի ՄԿԾ-ները համահունչ են քոլեջի առաքելությանը, կառուցվածքային և բովանդակային առումով համապատասխանում են պետական կրթական չափորոշիչներին, մոդուլային մուտքային պահանջները հիմնականում պահպանվում են: Սակայն քոլեջը կողմից, հաշվի առնելով տարածաշրջանի և աշխատաշուկայի պահանջները, ՄԿԾ-ները չեն տեղայնացվել, չեն ենթարկվում վերանայման և բարելավման. առկա է գործնական բաղադրիչի պակաս, ծրագրում նշված պահանջները հիմնականում կրկնում են պետական չափորոշիչների պահանջները, տեսական ուսուցումն իրականացման կազմակերպումը կատարվում է ոչ արդիական նյութերով: Բացակայում են ՄԿԾ-ների արդյունավետ իրականացման վերահսկման մեթոդները, արտացոլված չեն ուսումնական գործընթացի դասավանդման հստակ մեխանիզմներ և քաղաքականություն. դասապրոցեսը իրականացվում է ըստ դասախոսների անհատական մոտեցման: Մեթոդների ընտրության ազատականացված մոտեցումը չի երաշխավորում վերջնարդյունքների լիարժեք ձևավորումը:

Քոլեջն ապահովված է անհրաժեշտ մասնագիտական որակներ ունեցող պրոֆեսորադասախոսական և ուսումնաստանդակ կազմով, որի համալրման և սերնդափոխության ուղղությամբ հստակ մեխանիզմներ են գործում: Կազմակերպվում են մասնագիտական վերապատրաստումներ, կատարվում են գնահատումներ, սակայն այս գործընթացները դեռևս ամբողջական չեն և ունեն բարելավման կարք:

Քոլեջն ապահովված է կրթական պրոցեսի կազմակերպման համար համապատասխան՝ նյութատեխնիկական բազայով, շենքային պայմաններով, որի ուղղությամբ տնօրենությունը համապատասխան միջոցներ է տրամադրում:

2. Կառավարումն ու որակի ապահովման համակարգերը ձևավորման փուլում են, սակայն առկա են զարգացման միջոցներ և կառավարումը միջված է որակի բարելավմանը, որակավորումների արժանահավասար շնորհմանը:

ՄՈՒՀ-ի ռազմավարական խնդիրների առաջադրման միակ մարմինը ԼՏՊՔ խորհուրդն է, սակայն իր գործառույթն իրականացնելու հարցում այնքան էլ հետևողական չէ: Հստակ ձևակերպված և չափելի նպատակների բացակայության պայմաններում կառավարման համակարգի ռեսուրսներն

օգտագործվում են առօրյա, ընթացիկ աշխատանքների վրա: Հստակ չէ քոլեջի ռազմավարական կառավարում իրականացնելու ցանկությունը:

ՄՈՒՀ-ն իրականացնում է ուսանողների հավաքագրման և կայունության ապահովման հստակ գործընթացներ, սակայն չկան ուսանողների կարիքների վերհանման մեխանիզմներ: Ուսանողների մասնակցությունը որոշումների կայացման հարցում բացակայում է:

ՄՈՒՀ-ն ունի Որակի ապահովման համակարգ, քաղաքականություն և ընթացակարգեր, սակայն դրանք դեռևս ներդրված չեն: Քոլեջի վարչական կազմի կողմից, որպես գործընթացների բարելավման գործիք ՈԱ առանձին համակարգ չի դիտարկվում, և գործընթացները չեն իրականացվում «պլանավորում-իրականացում-գնահատում-բարելավում» շրջափուլով: Կառավարման գործընթացներին որակի շրջափուլի սկզբունքով վերաբերվելու մշակույթ դեռևս ձևավորված չէ, խիստ վտանգում է համակարգի գործունեությունը: ՈԱ համակարգի ներդրումը դեռևս նախնական փուլում է՝ պրակտիկորեն այն չի գործում: Վերջինիս գործունեությունը դեռևս չի կարևորվում, օգտակարությունը չի գիտակցվում:

3. Միջազգայնացումն ու հեղափոխական/ստեղծագործական գործունեությունը բավարար չեն աջակցում որակավորորումների արժանահավասար շնորհմանը.

Արտաքին կապերի և միջազգայնացման հարցերում ՄՈՒՀ-ը շատ անելիքներ ունի, մասնավորապես, բենչմարքինգի իրականացման հարցում: Անհրաժեշտություն կա գնահատելու սեփական կարիքներն այդ ոլորտում, կարևորելով միջազգային կապերի ընդլայնումը, որը քոլեջը կդարձնի ավելի ժամանակակից և պահանջված աշխատաշուկայում:

Քոլեջի անելիքները հետազոտական ոլորտում ահռելի են. այս ուղղությունը պրակտիկորեն բացակայում է: Չկան հետազոտական աշխատանքի կիրառելիության բաղադրիչներ, որի ճիշտ կազմակերպման պարագայում օգտակար կլիներ թե՛ ՄՈՒՀ-ի, և թե՛ արտաքին շահակիցների համար:

Քոլեջը չունի հետազոտական ոլորտում հետաքրքրություններն ու հավակնություններն արտահայտող ռազմավարություն: ՊԴ կազմը և ուսանողները ներգրավված չեն հետազոտական/ստեղծագործական աշխատանքներում, չկան վերլուծական և հետազոտական հմտությունների ձևավորմանն ուղղված գործընթացներ, ինչպես նաև՝ հետազոտական գործունեության և ուսումնական գործընթացի փոխկապակցման մեխանիզմներ:

Քոլեջում դեռևս աշխատանքներ չեն տարվում միջազգայնացման ուղղությամբ, բացակայում է արտաքին կապերի արդյունավետության գնահատումը, որը խոչընդոտում է զարգացմանն ու առաջխաղացմանը, իսկ արտաքին կապերի ոլորտում իրականացված աշխատանքները շատ թույլ են:

4. Փորձագիտական զեկույցում նշված թերություններն առանցքային են որակավորորումների արժանահավասար շնորհման տեսանկյունից, միաժամանակ հիմքեր ստեղծված են բարելավումների համար:

5. Փորձագիտական զեկույցում նշված խորհրդատվությունները քոլեջի կողմից ենթարկվել են խմբագրման՝ բովանդակային փոփոխության: Այսպիսով՝ ծրագրով սահմանված ակնկալվող արդյունքների մեծ մասը չի համապատասխանում փորձագիտական խմբի կողմից սպասվող արդյունքներին: Բացակայում են արդյունքների ձեռք բերման համար նախատեսված իրատեսական ռեսուրսներն ու իրականացման ժամկետները: ԼՏՊԲ-ի բարելավման ծրագիրն իր մեջ ռիսկեր է պարունակում և վերանայման անհրաժեշտություն կա:

Ելնելով վերը նշվածից, Հավատարմագրման Հանձնաժողովը բաց քվեարկության արդյունքում

ՈՐՈՇԵՑ

1. «Լոռու պետական տարածաշրջանային քոլեջ» ՊՈԱԿ-ին շնորհել պայմանական ինստիտուցիոնալ հավատարմագրում 2 /երկու/ տարի ժամկետով:
2. Հավատարմագրում շնորհելու որոշման հրապարակումից հետո՝ երկամսյա ժամկետում ՈԱԿ-ին ներկայացնել փորձագիտական զեկույցում նշված թերությունների վերացման վերանայված ծրագիր և համապատասխան ժամանակացույց՝ հաշվի առնելով.
 - «Կառավարում և վարչարարություն», «Մասնագիտության կրթական ծրագրեր», «Հետազոտություն և զարգացում», «Արտաքին կապեր և միջազգայնացում» և «Որակի ներքին ապահովման համակարգ» ոլորտներում առկա խնդիրներին առաջնահերթ լուծում տալու անհրաժեշտությունը,
 - կառավարման համակարգի, ընթացակարգերի կանոնավոր գնահատման և բարելավման մեխանիզմներ ունենալու պահանջը,
 - քոլեջում վերլուծական, քննադատական, ինքնաքննադատական մտածելակերպի ձևավորմանը,
 - ՄԿԾ-ների վերանայման և տեղայնացման անհրաժեշտությունը, ՄԿԾ-ների իրականացման գործընթացում ներդնել քոլեջի տարբեր միջազգային ծրագրերում ներգրավված լինելու փորձը,
 - դասավանդման, ուսումնառության և գնահատման մեթոդների ընտրության հստակ քաղաքականություն ունենալու անհրաժեշտությունը,
 - քոլեջի կողմից կազմակերպվող գործընթացները առավել կանոնակարգված և կոլեգիալ հիմունքներով իրականացմանը:
3. Հատուկ ուշադրություն դարձնել՝
 - ՄԿԾ – ներում հետազոտական բաղադրիչի ներդրմանը,
 - Որակի ներքին ապահովման համակարգի լիարժեք գործունեությանը, որի արդյունքում լուծում կստանան այն բացերը, որոնք առկա են գրեթե բոլոր ոլորտներում,
 - ուսանողների մոտ վերլուծական, ստեղծագործական և քննադատական կարողությունների զարգացմանը միտված ուսուցման կազմակերպմանը,
 - Որակի մշակույթի ձևավորման և շարունակական զարգացմանը :
4. «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման կարգ»-ի 12-րդ կետի պահանջներին համապատասխան 6 ամիսը մեկ անգամ ՈԱԿ-ին գրավոր զեկույց ներկայացնել իրականացված գործողությունների արդյունքների վերաբերյալ՝ գնահատելով քլեջի գործունեության բարելավումը, նորարարություններն ու ձեռքբերումները:
5. Հանձնարարել ՈԱԿ-ին՝ պարտադիր մշտադիտարկման ենթարկել Լոռու պետական տարածաշրջանային քոլեջի գործունեության արդյունավետությունն՝ ըստ առաջընթացի առանցքային ցուցիչների:

Հավատարմագրման Հանձնաժողովի

Նախագահ՝

2021 թ., հունիսի 2

ք.Երևան



Ա. Սադյան